

釋淨土羣疑論卷第七

西都千福寺大德懷感撰

問曰念阿彌陀佛所得功德无量無邊上來具引經文及校量顯勝咸如妙釋信受奉行然未知念餘佛名功德亦无量不釋曰此有二義一釋云念一切佛悉得无量功德无有差別以諸如來悉具無邊功德悉斷一切人法障盡功德圓滿為此无有念有勝劣功德

不同若爾何故如來於諸經中偏讚念阿彌陀佛功德无量耶答其實功德悉皆一種但以淺識凡夫不能適念是以如來偏讚一佛之功德令其至心攝念其至心功德即多此是如來密意方便也猶如受大戒於僧衆中悉是清淨堪爲戒師无有勝劣隨其受者操心一師以爲和上發其戒緣即勝餘者此亦如是專心一佛功德即多由心專至也又有

釋云諸佛如來雖復功德悉皆平等无有勝劣然以衆生於其佛所久昔已來結緣差別如攝論唯識等咸云衆生由法爾力屬佛不同或多屬一或一屬多若屬此佛此佛能度不屬餘佛餘佛不度屬此佛者至心稱念功德卽多卽來救拔其不屬者念功不多不來救

問曰如无量壽經言小行菩薩及修習少福

德者皆當得生極樂世界阿彌陀經言不可少善根福德因緣得生彼國二經相違如何會釋釋曰各有一意所據不同不相違也无量壽經言少者言數少也阿彌陀經言多者言用多也彼人唯念阿彌陀佛更不修餘六波羅蜜諸道品法長時長劫難行苦行唯有念佛功德无餘修道之福故名少也此念阿彌陀佛一聲已上卽是无量无边殊勝功

德故名多也。故无量壽經下卷云十方恆沙諸佛如來皆共讚歎。无量壽佛威神功德不可思議。諸有衆生聞其名號信心歡喜乃至一念卽得往生住不退轉。又言其有得聞彼佛名號歡喜踊躍乃至一念當知此人爲得大利卽是具足无上功德。稱讚淨土經言得聞如是無量壽佛。无量無邊不可思議功德名號。以此等經文證知卽是多功德也。故約

數約用名少名多不相違也。如一摩尼珠亦名爲少亦名爲多。言少者此珠唯一其量不大。愚人別將爲少故輕而不取。亦名爲大。此一寶珠價越三千大千世界識者所重故言多也。念佛亦如是。名多名少據義不同也。問曰如上所釋念阿彌陀佛以種種義按量顯勝功德甚多。深生信敬不敢誹謗。然此所得功德甚多爲由。无所得心作无相念阿彌

陀佛真實法身功德多耶爲但以有所得心
作有相念報化等身功德亦多耶釋曰俱悉
多也法身離相萬德真體能以无所得心體
真念佛理然功德不可思議如淺學之人未
能作其无相之念但以有所得心觀如來清
淨色身殊勝相好恒沙萬德至誠稱念亦獲
无邊殊勝功德如下輩三人生來造惡垂終
稱念彼佛名號豈能作彼无相念耶信知有

相心念亦獲无邊勝福也又欲斷二障必修
无相之念今植彼因亦修有相念佛又真佛
權佛理事不同无相有相修因亦別理无違
也

問曰若作諸法實相觀能滅微細罪障勝於
念佛滅麤業者何不命終之際教觀實相而
乃勸令稱佛名號耶釋曰誠如所責然以四
義不可教其作實相也一人惡二法深三苦

逼_二時促_一人惡者此人生來未曾修善但令
念佛猶恐未_レ閑況能解了諸法實相法深者
二空真如法性平等理致幽遠卒作難成不
可教也苦逼者平生學人常修此觀苦惱所
逼猶作不成況乎此人生來未曾修習衆苦
纏繞始教令修理不可也時促者平生之日
爲其廣說諸法實相多歲尋思猶不能曉況
茲少選方始習求必定不成徒唐設教善知
不教實相也

時事名大法師大聖宜知學必不得故不教
彼令觀實相深顯佛智善逗物機以此四緣
問曰若人一生已來修行三福及十六觀或
臨命終時遇善知識一聲十聲稱佛名號罪
根消滅令得往生此人或時命猶不斷更經
多身始壽終爲復更須念佛方生淨土爲不
得念佛亦往生耶釋曰得往生也但以其人

行業已成。罪垢消滅。縱延多日。亦得往生。然有二種。一者修福之後。多日未死。其人更不造重罪時。起諸无記心。此心不能招善惡報。故乘前念佛。卽得往生。二者其人念佛之後。或多時不死。更興惡念。起不善業。此人多恐不生淨土。經言。一念瞋心。障百千法門。又言。瞋恚之害。破諸善法。劫功德賊。无過瞋恚。其人雖有已前觀行念佛等善。皆爲瞋恚所損。

不得往生。況餘罪業障諸善行。如經說言。終時造業最先受報。死若心重者。先受輕重若等先者。前受此。人爲後有罪多。恐不得生也。問曰。如觀佛三昧海經說。佛告阿難。若有衆生。殺父害母。罵辱六親。作是罪者。命終之時。銅狗張口。化十八車。狀如金車寶蓋。在上一切火焰。化爲玉女。罪人遙見。心生歡喜。我欲往中。風刀解時。寒急失聲。寧得好火。在車上。

坐然火自爆作是念已。即便命終揮擢之間。已坐金車顧瞻玉女皆捉鐵斧斬截其身。又言復有衆生犯四重禁。虛食信施。誹謗邪見。不識因果。斷學般若。毀十方佛。偷僧祇物。姪嫉无道。逼略淨戒。諸比丘尼姊妹親戚。不知慚愧。毀辱所親。造衆惡事。此人罪報。臨命終時。風刀解身。偃臥不定。如被楚撻。其心荒越。發癡狂想。見己室宅。男女大小。一切皆是不

淨之物。屎尿臭處。盈流于外。爾時罪人。卽作是語。云何此處无好城廓。及好山林。使吾遊戲。乃處如此不淨物間。作是語已。獄卒羅刹。以大鐵叉。擊阿毗地獄。及諸刀林。化作寶樹。及清涼池。火焰化作金葉蓮華。諸鐵嘴蟲。化作鳧鴈。地獄痛聲。如詠歌音。罪人聞已。如此好處。吾當遊中。念已。尋時坐火蓮華。寧知今日。蓮華來迎。非是此火華也。釋曰。以四義故。

知非火車一以行二以相三以語四以佛此
四義異火華一以行者觀佛三昧經說罪人
造罪犯四重禁乃至毀辱所親不生悔過不
遇善友教令念佛故所見華是地獄相今此
下品等三人雖復生來造罪終時遇善知識
至心念佛以念佛故滅多劫罪成勝功德感
得寶池中華來迎豈同前花也二相者彼經
說風刀解身偃臥不定如被楚撻其心荒越

發狂癡想見已室宅男女大小一切皆是不
淨之物屎尿臭處盈流于外今此念佛身心
安穩惡想都滅唯見聖衆聞有異香故不類
也三語者彼經中說地獄痛聲如詠歌音罪
人聞已如此好處吾當遊中觀經中讚言善
男子汝稱佛名故諸罪消滅我來迎汝彼是
詠歌之音此陳滅罪之語二音既別故不同
也四佛者彼經一切火焰化爲玉女罪人遙

見心生歡喜我欲往中坐金車已顧瞻玉女
皆捉鐵斧斬截其身觀經言爾時彼佛卽遣
化佛化觀世音化大勢至至行者前以此四
義准知蓮花來迎不同觀佛三昧海經說也
問曰九品生人行有優劣聖迎多少華開早
晚珍臺寶華悉有差降何因上品下生與下
品下生一種金花遂无優劣也釋曰此有三
義一釋云此非往人華也此或是來迎佛所

乘華也其人障重不感見佛但見佛座猶不
分明猶如日輪矇矓似覩也二釋此人障重
不感佛迎但得金蓮引生淨土故觀經說住
其人前若是座華經何不說坐寶華也三釋
此是座華雖同是金華大小勝劣莊嚴麤妙
自分二品蓮異何妨亦有差殊也

問曰下品中生六劫華開下品下生十二劫
華開爲取此方日月歲數積以成劫爲取淨

土日月歲數以成劫。耶釋曰：淨土諸師亦有釋言取此方日月歲數積成於劫，何以得知釋迦如來此方成道說經爲此娑婆有情指彼華開之時，令此衆生得解，故知只用此劫明彼華開也。今釋不然，用彼方日月歲數以成於劫，顯彼華開時節分齊，何以得知此有三義：一、例二教三理而得知也。例者如四天王天等六欲諸天壽命長短皆約彼天日月

而說。只如四天王天壽命五百歲，彼天日夜取此人中五十年爲四天王天一日一夜。如是日夜三十日爲一月，十二月爲一年。如是彼天壽命五百歲，若取閻浮提日月計當一萬八千年爲一月，二億一萬六千年爲一年。如是彼天壽命五百歲，算閻浮提年其數極多也。已上五天命漸漸增，日漸漸長，年皆增下天一倍。故知彼天取其年命還用彼天日

夜以日計月以月計年以年計命故知淨土
以日計月以月計年以年計劫不用此方日
月劫也二教者如上品中生言此紫金臺如
大寶花經宿卽開故知花開經宿者用彼方
晝夜夜卽華合晝卽華開斯卽半劫爲晝爲
華開之時半劫爲夜爲花合之分顯彼上品
中生之人華開時分取彼經宿大寶花開之
時也上品中生一宿華開旣然上品下生一

日一夜蓮華乃開故知還用彼方日夜也不
然者寧容淨土大寶華開取此之晝且而華
開也若彼大寶華開自取彼方日夜上品中
生華開同彼時節上品下生一日一夜華開
翻乃同於此方日月上品中生華開乃晚上
品下生之者分華遲速義乃乖違理必不然
故知取彼日月也日月旣爾劫亦可知三由
理者若日月華開乃用彼方日月若經劫華

開乃用此方劫數者卽中品中生七日華開
若望此方計當七劫下品中生六劫方開若
望彼方計當六日寧容中品華開之日遲於
下品六劫華開耶又下品上生經七七日蓮
華方開亦遲下品中生六劫四十三劫也以
此道理進退推徵故知彼劫不用此方劫也
問曰彼旣經劫蓮花方開爲由有罪障故華
開遲晚爲由勝功德故多劫在彼華中耶釋

曰准依下品下生經十二大劫蓮華方開觀
世音大勢至以大悲音聲爲其廣說諸法實
相除滅罪法以此准知彼亦有罪障由斯罪
障故經劫華開不然者何因九品行業不同
華開早晚各有差降也問曰若彼有罪障華
開遲晚者何由此業障不感苦報耶釋曰雖
有罪種以其前生發菩提心至心稱念阿彌
陀佛諸罪消滅縱有微細業種不能爲異熟

因牽生苦果，唯以其業種極羸劣，故知念佛功德損其勢用。又以念佛功德之力，感得淨土殊勝之身於彼，身上苦果无由而得現起。又以佛本願力，不得現行，但有餘障障其蓮華，不得速啟，故无量壽經云：由疑彼佛，不思議智，生彼胎宮，无有衆苦。但五百歲中胎宮掩閉，此亦如是障華開也。雖障華開，華中无苦，而此罪種但有障華開力，无招苦報之功。

猶如殺生之業，等流果中能障人天長命之報也。

問曰：觀經言下品下生，十聲念佛於念念中滅八十億劫生死之罪，罪既滅除，何故華開已後，觀世音菩薩爲說實相除滅罪法，耶若有罪可除者，何因不障生淨土而得往生耶？釋曰：此有微細障未盡，故經說除也。然罪障微劣，念佛善強，乘佛威神不妨得生淨土，以

彼罪人造衆重罪，罪業勢力能感惡道受苦，无窮然由念佛功德善根消彼重殃，感果勢力不能牽引惡趣受生，然念佛行麤細障猶在，故華開已後，遇彼二尊爲說甚深諸法實相，其人方能觀法身佛境智微細，始能除彼微細業障罪種，功能故言爲說諸法實相，除滅罪也。

問曰：何故无量壽經上卷四十八弘誓願云：

乃至十念皆得往生，唯除五逆壽經下卷卽言乃至一念皆得往生，何因同是一教前後兩文言一言十遂有差別？釋曰：此无別也。文雖有異而義本同願中乃至十念，此卽以少至多，下言乃至一念，斯卽以多至少，參差互舉，本无妨難。法藏比丘以少至多而發願言：臨終之者，忽遇勝緣，方勸稱佛往生淨土，或得稱佛一聲，已從後世或得稱佛兩口，卽就

命終或更得稱三四五六乃至七八及與九十隨少隨多皆生淨土然此人生來不造五逆誹謗正法隨念多少悉得往生如造五逆誹謗正法忽遇勝緣教令念佛要滿十口始得往生一聲九聲遂便不往故言乃至十念除逆謗人此乃約數言除非是畢竟除也久學讀已解此願言初學乍披多迷斯旨乃爲異釋莫會宗途大聖釋迦預知後代惑斯聖

典浪起推求故言乃至一念而顯斯教若能多念有重罪者皆生乃至一念亦生卽除於逆謗上下互說顯教分明欲令未來於教開悟也

問曰未知念佛滅八十億劫重罪得生西方爲滅種子爲滅上心若滅種子種子滅除要須聖道見人法空方能滅種念佛功德雖復无邊此是聞思等善心如何同於聖道能滅

種子罪業若滅上心罪福兩業不得俱起起
罪業時不得念佛正念佛時不得造罪善惡
不並无二上心如何念佛能滅上心罪也釋
曰非滅種子非滅上心上心之罪利那自滅
不須念佛方始滅除又善惡不俱念佛之時
罪已先滅或時未起正造罪時念佛已滅或
未念佛不可滅其上心罪也唯滅種子念念
相續能感三途惡報功能若不念佛此罪種

子有其勢力能感當果惡趣之報由念佛力
念其種子感果功能勢力衰微不能招報故
名罪滅雖有種子在本識中相續而起无感
報勢力猶如羸瘦病人雖身復有在於牀上
无有起動報作功能罪亦如是无有勢力能
感當來惡趣之報故名滅也此滅種子勢力
非滅種子之體故六種轉依中名損力益能
轉

問曰。此念佛力能滅種子。感果功能。未知此種子功能已滅。後遇惡緣。能令此種子。更有勢力。能感惡趣報。不釋曰。有亦不廢。如諸菩薩修諸善法。厭伏對治煩惱種子。勢力衰微。不能現起。後還有力。能起現行。現行煩惱熏習力。故令煩惱種子。轉有勢力。亦如二无想定。厭於六識。令不現行。出其定已。心還能起。惡業亦尔。由念佛等力。令无感報種子。功能後退。不修善。更造惡業。亦令舊業。更生感果。功能相續。若復從此長遇勝緣。惡法漸微。善法漸盛。能入聖道。遂體永滅。

問曰。惡業種子。既由念佛滅除。種上感惡趣功能。今不能招三惡趣果。未知念佛等善能招善趣淨土功能。由造重罪。亦令念佛善業。種子感淨土果。其功能滅。不釋曰。以善翻惡。善亦應有。如一念瞋心。能障百千法門。如遺

教經言。瞋恚之害。卽破諸善法。又言。劫功德。賊。無過瞋恚。故知惡亦能滅善。非滅善種。但滅善種。感果功能。故知善惡相違。更互相滅。如一生修善。能感善趣。垂終失念。起諸惡業。遂滅生來一切善品。乘此後惡。卽落三塗。如有生來具諸不善。五逆十惡。無罪不造。臨終念佛。具足十聲。滅衆重罪。得生淨土。以此准知。勸諸行者。至命終。且當須用心。勿起惡念。不信哉。

來諸善品。專心念佛。往生淨土。經有誠教。可問曰。今學淨土業者。旣行念佛三昧。未知此法定有何教。今諸方道俗多生疑惑。將無聖教。僞行佛法。誘引凡愚。大增誹謗。請陳至教。以除疑網。釋曰。諸大乘經說此三昧。其文極衆。如華嚴經。數處皆說念佛三昧。其文極廣。及涅槃經。觀佛三昧。海賢護般舟三昧。觀經

鼓音聲王。大集月藏分地藏十輪經。占察經。文殊般若華首經。大智度論等說。如華首經。名一相三昧。文殊般若。名一行三昧。觀佛三昧海經。名觀佛三昧。賢護經。名思惟諸佛現前三昧。華首經。言如是菩薩於如來相及法界相。常如是觀。如是行。不離是緣。是時佛像卽現在前。而爲說法。文殊般若。言隨佛方所。端身正向。不取相貌。係心一佛。專稱名字。念

念无休息。卽是念中能見過去現在未來三世諸佛。何以故。念一佛功德无量无边。卽與无量諸佛功德无二。是名一行三昧。涅槃經言。若人但能至心常修念佛三昧者。十方諸佛恒見此人。如現目前。觀佛三昧海經及賢護經最廣。明是念佛三昧不可具說。勸諸行者。披尋聖教。自當得知也。

問曰。念佛三昧修學之者。爲是菩薩行中修

道次第爲非次第而修學耶釋曰此正是菩薩修道次第何以知然如華嚴經四十五說爾時文殊師利如象王迴觀善財童子作如是言善哉善哉善男子乃能發阿耨多羅三藐三菩提心求善知識如是等種種讚歎略爲說法卽令往覓功德雲比丘請學菩薩行其功德雲比丘卽教善財念佛三昧故知第一善知識是文殊師利勸發菩提之心第二

善知識功德雲比丘卽教念佛三昧如是展轉經百一十城求善知識一一善知識皆教一法門乘一法門後得一法門悉是菩薩修學次第故知發菩提心爲萬行之首此學念佛三昧爲萬行之次以此准知念佛三昧正是初發心菩薩修學次第也

問曰此念佛三昧未知聖凡持戒破戒等爲何人得也釋曰此三昧者通聖及凡持戒破

戒皆可學也。如華嚴經言功德雲比丘此卽是聖人大菩薩得念佛三昧也。如賢護經言若有比丘比丘尼優婆塞優婆夷清淨持戒具足諸行以此准知持戒之人正是合修念佛三昧斯卽戒根清淨三昧現在破戒之人難成三昧准觀佛三昧海經言此觀佛三昧是一切衆生犯罪者藥破戒者護若破戒之人不得此三昧者何名護也。又下經言如來

今者爲未來世五苦衆生犯戒比丘不善惡人五逆誹謗者爲如是等說除罪法阿難白佛言佛滅度後此等愚人无怙无歸依處佛告阿難佛滅度後濁惡世中諸衆生等欲除罪咎乃至當勤修習觀佛三昧故知破戒五逆等惡人悉可學得是三昧也。

問曰念佛三昧所見之佛三身之中爲見何身也釋曰通論念佛三身俱念得无相念得

三昧念法身佛得有相念佛三昧念報化身佛然准依華嚴經賢護般舟觀佛三昧海觀經鼓音聲王文殊般若等多明觀佛色身名念佛三昧又准賢護經第一卷念阿彌陀佛既得見已阿彌陀佛爲其廣說諸法實相謂一切法本來不壞亦无壞者以不壞色乃至不壞識等如是乃至不念彼如來亦不得彼如來彼作如是念如來已如是次第得空三

昧善男子是名正念諸佛現前三昧也。以此准知前見阿彌陀佛色身卽是觀報化色身念佛三昧也。後得空三昧卽是觀法身念佛三昧也。又卽以此義諸修觀者從麤至細先作色身觀後作法身觀修學次第也。

問曰。何因得念佛三昧者所得境界各各不同。或見淨土不得見佛。或得見佛不見淨土。或見淨土得見佛。或見佛及土并見種種衆

生業相。一生已來所造善惡於念佛三昧中悉皆得見。此所見相爲真爲僞。復如何見。請陳其教。釋曰。一切行道之人。无簡道俗。所修業行。若不依聖教而修學者。並非佛弟子。是魔眷屬。何但誑惑百姓。亦是王法罪人。現在生中。卽是爲求名利。僞行佛法。誑誘愚夫。於當來生。墮於十方无間地獄。自損損他。毀滅佛法。如有聖教。依之修學。此卽自利利人。功

德殊勝。此生他生永得解脫也。謹按華嚴經第六十卷。或看第四十五善財童子於文殊師利所發菩提心。文殊師利告善財言。善男子。於此南方有一國土。名曰可樂。其國有山名曰和合。於彼山中有一比丘。名功德雲。汝詣彼問云。何菩薩行等善財童子。向可樂國登和合山。見功德雲比丘。問菩薩行功德雲比丘爲說念佛三昧法門。略說二十一種言。

得淨心念佛三昧門。自心明了見一切佛得
嚴淨佛剎念佛三昧門。起一切佛剎无能壞
者得淨業念佛三昧門。見一切諸業如鏡中
像得圓滿普照念佛三昧門。悉能觀見一切
諸佛及其眷屬嚴淨佛剎。今日衆生雖言得
念佛三昧。以根行淺未能具足得一切念佛
三昧。有得一者。有二三者。故所見境界寬
狹不同。有見種種業相者。此卽是其念佛三
昧也。既有聖教卽行。无虛偽。若有毀謗便是
誦法人請尋聖教以除疑惑也。

問曰。念佛三昧所得境界。或見諸佛菩薩无
邊聖衆。或見諸佛淨土種種莊嚴。既有聖教
分明。不敢更生疑惑。然今時道俗。或男或女
生年已來。未曾聽習於諸聖教。一句不知。復
未長時修行佛法。或童男或童女。百事无
知。入道場至心稱佛。卽言得見諸佛聖衆。事

同劇戲法不應然。寧容念佛三昧高僧碩學精勤修習猶恐不成。斯輩幼童无智俗士並能獲證三昧定耶。將非此法是虛偽矣。釋曰：今時道俗咸生此疑。准教驗時得何所。恠且如世尊在日。及佛滅度後。優婆塞多所度弟子。獲得道果。无量億千。或一坐聞經得法眼淨。或因剃髮聖道現前。或得掃帚帚。獲阿羅漢果。或七歲沙彌。是俱解脫。或以毬打頭證。

四向果。或避走令聽得。須臾滄事同劇戲。已超三界。斷彼難斷。見修二惑。證彼難證。四沙門果。豈可不信。斯教法哉。皆由宿種解脫分善過去。已曾修習。此道今生。暫爾聞法。思惟隨遇。少緣。即能得道。按此賢護經言。後五百歲後。一百年中。此三昧典。以佛神力。廣行流布。皆令讀誦。如說修行。修行即是得。玉三昧也。且入佛法種種根機。如思惟教義。假與問。

吞解漸頓之玄宗演半滿之真教即須聰明
智慧詞辯縱橫非斯上人難弘妙旨如也一
心不亂直心直行无多思慮一心念佛即見
世尊不惜身命俗間士女或是幼童聞善知
識教令念佛即便信受如教專念不多思惟
心易得定如多想慮三昧難成故人道場名
僧大德廣閑經論三昧不成少解經文速得
斯定自古今大德習禪之侶欲學定者皆念
其聽良爲思義之徒心多散亂矣此何恠也
斯何惑哉然其所見有真有僞應善思惟勤
符佛教

問曰華嚴經言淨業念佛三昧門見一切衆
生業如鏡中像未知所見業相或其人久死
諸趣受生三昧鏡中仍現斯相爲實爲假事
真難解爲是本質來現鏡中爲是自心假變
現乎業者是思如何得見其義幽隱請陳厥

旨釋曰三昧境相實難可解非但此義諸法亦然且宿位隨念通緣過去境如是五蘊當心現前如是之相爲是何相故知過去五蘊是本性相隨念通力緣彼過去自心變現相分五蘊忽似彼相而現於前名所緣緣此法亦爾或死生通力緣未來境死此生彼彼諸五蘊相自心相分託彼衆生造業起報相續次第而現在前一无差錯此等衆生所造諸

業爲彼本性相爲增上緣爲所緣緣令死生智通見如是相此亦如是隨自他思業曾所發身語所造善惡串習功能於三昧中現衆影像託彼業種現罪福相或是如來大悲之力於三昧中爲現此相令其修斷深須仰信不可致疑三昧境界諸佛境界業力境界皆不可思議非諸凡愚所測量也

問曰有得念佛三昧見彼西方淨土勝相雖

未身死已見其身在於淨土。或見往生蓮華相迎。未審此境爲實爲虛。釋曰：此非虛也。且如第十二普觀之中，當起自心生於西方，於蓮華中結跏趺坐，作蓮華合想，開想如是等。豈是謬耶？此三昧中見身往生，亦復如是。又須達長者傾布黃金，賈祇陀園奉爲如來起立精舍，共舍利弗各執繩頭安置伽藍，建興堂宇於虛空中。六欲天宮一時相現，時舍利

弗指示須達，須達不解，問舍利弗。聖者答言：此是長者施園功德所感。天宮當生其處，先現其相。遣長者知，須達白言：我唯一身死受一報。六天並至，遣生何所？舍利弗言：下三天中福德劣弱，上二天處放逸極多。唯兜率天雖多勝樂，心生知足，補處生中長者可願。生彼天處，須達是時卽依其願，五天宮相一時並滅。唯兜率宮湛然而住，故隨所造善惡業。

緣當生先熟臨命終時多此相現信知行因
尅果果相現前淨土華臺隨品先現斯類必
爾何所疑哉因果相符深須仰信之

問曰得此念佛三昧者以何得知得此三昧
頗有聖教能證知也釋曰觀經有文也經言
但當憶想令心眼見見此事者卽見十方一
切諸佛以見諸佛故名念佛三昧此爲證也
行者平生雖種種修道今入道場學此三昧

遂得見佛若不得三昧寧容見耶今旣得見
卽知得是三昧故經說言以見佛故名念佛
三昧也如人患目不見衆色大醫師善能療
眼乃以金錐抉其眼膜示以手指彼言不見
故知療眼其膜未除後更爲抉復示其指彼
言是指針師卽知其眼得愈若无眼者將何
見指以此見指驗彼旨眼得除翳目眼根清
淨此亦如是若不得其念佛三昧如何得見

諸佛淨土及佛淨色身種種衆相也。以此准知。是得念佛三昧也。其人常修此行三昧。不失常見諸佛種種聖衆。如久不習馳散五塵。失此三昧。卽不見諸佛菩薩聖衆。以此准知。前所得者。是三昧也。多是聞思相應三昧。名非必修慧也。

問曰。修念佛三昧。有何利益。獲何勝果。請出聖教。勵諸學徒。舉益勸修。令成勝業。釋曰。斯

益也。无量無邊。備在華嚴賢護經等。廣陳其益。豈能述然。略舉三五。以相顯示。一見聖衆。二聞正法。三滅重罪。四生淨土。五諸定根本。六當成佛。一見聖衆者。如賢護經第一卷說。善男子。善女人。端坐。係念。專心想彼阿彌陀佛。如是相好。如是威儀。如是大衆。如是說法。如聞。係念一心。相續。次第不亂。或經一日。一夜。如是。或至七日。七夜。必覩阿彌陀如來。

若晝時不見或睡夢中必當見也。二聞正法者以見阿彌陀佛世尊爲說甚深妙法。謂一切法本來不壞亦无壞者。如不壞色力至不壞識等諸陰聞如是等大乘言教三滅重罪者觀佛三昧海經言此三昧是一切衆生犯戒者藥破戒者護失道者導盲瞶者眼愚癡者慧黑闇者燈煩惱賊中是勇猛將又下經言如來今者爲未來世五苦衆生犯戒比丘

不善惡人五逆誹謗行十六種惡律儀者爲如是等說除罪法四生淨土者華嚴經言念佛三昧必見佛命終之後生佛前見彼臨終勸念佛又示尊像令瞻敬又觀經言行此三昧者現身得見无量壽佛及二大士觀音勢至而爲勝友當坐道場生諸佛家五諸定根本者觀佛三昧海經說諸大三昧始出生處六當成佛者賢護經說彼於當來必得成佛

號曰善覺如來。又賢護菩薩以一百二十問問世尊。菩薩具足成就何等三昧。而能得彼大功德聚。如是一百二十問。乃至問云。何當得一刹那時間。行即能遍至一切諸佛前。即復云。何當得住此佛刹。遍見一切十方諸佛。聽聞正法。供養眾僧。非但未得出世六通。而實未得世間五通。而亦未捨此世界身。亦无生彼諸佛國土。唯住此土。見餘世界諸佛世

尊。悉聞諸佛所宣正法。一切聽受。如說修行。譬如今時。聖者阿難。於世尊前。親聞法已。皆悉受持。佛告賢護。有三昧名曰思惟。諸佛現前三昧。若有菩薩具足修習。如是三昧。當得成就。如上所問。諸功德等。賢護當知。更有无量无边。勝上功德。說不可盡。故知此三昧所獲勝利。卒陳難盡。

問曰。若如此說。得此三昧。獲益无窮。今時學

者所得三昧豈得如前諸功德不釋曰三昧雖同淺深斯異深卽上窮聖果獲益如賢護經文一百二十之間悉皆得斯勝利故經言又菩薩修習如是三昧當得成就如今所問今諸學者未得具足修習如是三昧亦得隨分獲諸勝德譬如諸龍皆能興雲致雨大龍降雨露滿大千小龍興雲不周數里成滋艸木並潤根莖廣狹有殊皆名降澤三昧亦爾

勝劣差別並能見佛俱生佛家矣

問曰於此念佛三昧雖未能習學見他作者生信隨喜得何功德不信毀謗獲何罪報請陳損益曉諸未聞釋曰今當爲子廣引聖教備陳信謗所得損益如賢護經第五卷隨喜功德品說隨喜三昧人譬如有人定壽百歲身輕氣猛行駛若風飛是人生的便卽能行一世界周旋十方窮極地際至滿百年常行不

絕若有善男子善女人起信敬心於彼風行
壯人所經世界盛滿珍寶持用奉獻十方諸
佛其所獲福雖曰極多然尚不如修此三昧
功德少分何以故賢護由彼菩薩摩訶薩修
此三昧具足如上四大隨喜迴向阿耨多羅
三藐三菩提爲求多聞成正覺故賢護以是
因緣持此施福望前隨喜所獲功德百分不
及一千分不及一百千萬分不及一億百千

分不及一乃至算數譬喻所不能及其生信
隨喜福既無邊不信起謗罪亦無量也如大
品經法華經及佛藏經等廣說謗法之罪也
問曰未知修此三昧之者皆須嚴飾道場安
置尊像澡浴清淨著新淨衣日唯一食不顧
形命專心念佛此義可然何因處在闇中閉
諸光隙勵聲大念斯何教哉比見諸徒咸生
疑恠請陳斯術有何教哉釋曰替其聖典亦

无至教。但修行之人。將斯闍室。絕諸視聽。心捨諸緣。初學之儔。約斯注想。易得三昧。不爾難成。凡是世間欲思難事。未得解了。亂想難成。或掩室獨居。或閉目絕視。因茲恬靜。思事得成。此亦如斯。亂心難住。念佛三昧。无由現前。故爲其闍室行。斯三昧不學之輩。於此生疑。曾修習者。深將爲要。如處堂內。正念佛時。有少隙光。照斯闍室。心便緣此。浪起思惟。如

絕斯明。一心不亂。此乃學者所知。非是浪爲。斯法又如調鷹之法。縫目飼飽。令其无所瞻視。損於肥健之力。方始絕彼飛遊往來。調伏將以遊獵。縱任隨入。三昧亦爾。初學之輩。馳心五欲。攀緣六塵。若不約斯闍室。无由得成。三昧後學成就。隨處遊行。不簡明闍。常能見佛。詎勞闍室而行念佛也。故觀經言。是人苦逼。不遑念佛。善友教令。可稱阿彌陀佛。如是

至心令聲不絕豈非苦惱所逼念想難成令聲不絕至心便得今此出聲學念佛定亦復如是令聲不絕遂得三昧見佛聖衆皎然常在目前故大集日藏分經言大念見大佛小念見小佛大念者大聲稱佛也小念者小聲稱佛也斯卽聖教有何惑哉現見卽今諸修學者唯須勵聲念佛三昧易成小聲稱佛遂多馳散此乃學者所知非外人之曉矣于若

不信請試學爲无得不修但生疑惑矣

問曰經言五體投地永哀懺悔未知懺悔之徒或多自撲未知有何聖教若以五體投地卽爲自撲者將恐此釋理未可然此五體言何妨只是五輪著地頭面禮佛也釋曰如觀佛三昧海經第三說佛於座起令諸四衆觀佛色身釋子衆中五百釋子見佛色身猶如灰人比丘衆中一千人見佛色身如赤土人

優婆塞衆中有十六人見佛色身如黑象脚
優婆夷衆中有二十四人見佛色身猶如聚
墨比丘尼衆中有一比丘尼見佛色身如白
銀色優婆夷衆中有多優婆夷見佛色身如
藍染青色如是四衆觀佛色身所見不同不
得見佛真金色身發露悔過懺悔諸罪五體
投地如大山崩自拔頭髮舉身投地婉轉自
撲鼻中血出懺罪消滅心眼得開見佛色身

端嚴微妙如須彌山光顯大海此豈不是懺
悔經文自撲之法无教輒爲誠如所責經言
正作其何怪哉

校讎

一葉 咸如妙釋咸字現 ○二葉 悉皆平等現本無 ○屬

佛不同佛字現 ○二葉 言多者言用多也現本無 ○屬

起不善業業字現 ○七葉 斬截其身斬字現 ○

偃臥不定臥字現 ○如被楚撻現本無 ○七葉 及諸

刀林林字現 ○九葉 此或是來迎現本無 ○九葉 矇矓

似觀也觀字現 ○十葉 指彼華開之時指字現 ○十二

亦遲下品中生六劫四十三劫也現本無 ○二

○十四 罪業勢力現本無 ○十六 或未念佛現本無 ○

○十六 有其勢力現本無 ○十八 及涅槃經及字現 ○

群疑論卷七

字个

爾時文殊師利現本無 ○十一 五逆誹謗者現本無

○十三 亦是王法罪人王字現 ○十四 自心明了見

一切佛現本無 ○八字記 ○十五 无智俗士智字現

○將非此法是虛偽矣現本無 ○十六 直

心直行現本無 ○十六 三昧鏡中鏡字現 ○來現

鏡中鏡字現 ○十九 何所疑哉所字現 ○十九 抉其眼

膜本字現 ○廿三 身輕氣猛行駛氣字現 ○

以是因緣是字現 ○望前隨喜前字現 ○廿六 佛

於起座現本無 ○廿七 有二十四人有字現 ○有

一比丘尼現本無

今依延應寬元建長寬永印本及古德書
寫數本以為校讎黜謫從正新成一本若
其有疑則闕焉而俟後賢之是正耳
寶永二歲次乙酉十二月八日

洛東華頂釋義山書